



Tematski bilten Saveza općina i gradova Federacije Bosne i Hercegovine



Godina: XXI

Datum: 21.06.2024.

Broj: 295

ZDRAVE ZAJEDNICE U BOSNI I HERCEGOVINI

USLUGE SAVEZA:

- PLATFORMA ZA RODNU RAVNOPRAVNOST NA LOKALNOM NIVOU

<https://bit.ly/3GANEJC>

Koordinatorica za rodnu ravnopravnost ispred Saveza:

Mirela Čaušević

mirela@sogfbih.ba

033 216 502

KORISNI LINKOVI ZA RODNU RAVNOPRAVNOST:

<http://www.mhrr.gov.ba/>

ADRESA:

Musala br.5/1

71000 Sarajevo

Telefon: +387 33 216 502,

209 024, 209 120

fax: +387 33 552 810, 216 502

savez@sogfbih.ba



Poboljšanje pristupa građan/kia zdravstvenim uslugama, posebno u udaljenim ili nerazvijenim općinama, i ulaganje u zdravstvenu infrastrukturu i resurse, neophodno je za rješavanje ovih poteškoća. Kampanje podizanja svijesti i obrazovne inicijative treba provoditi kako bi se podigao nivo zdravstvene pismenosti i ljudima pružili alati koji su im potrebni za pravilno korištenje zdravstvenog sistema. Bosna i Hercegovina doživljava demografske promjene i starenje stanovništva, što ima značajne implikacije na njen društveni, ekonomski i zdravstveni sistem. To je dovelo do povećanja srednje starosti stanovništva, pada nataliteta, smanjenja radne snage i povećanja resursa za zdravstvenu zaštitu i socijalne usluge. Iseljavanje, posebno među mlađom populacijom, dodatno smanjuje radno sposobno stanovništvo i doprinosi demografskoj neravnoteži.

Program "Zdrave zajednice u Bosni i Hercegovini" implementiraju Federalno ministarstvo zdravstva uz podršku Vlade Švicarske, u saradnji sa Institutom za populaciju i razvoj - IPD i u partnerstvu sa Savezom općina i gradova Federacije Bosne i Hercegovine.

Partnerske jedinice lokalne samouprave u projektu iz Federacije Bosne i Hercegovine su: Općina Kiseljak, Općina Stari Grad Sarajevo, Općina Travnik, Grad Livno, Općina Tomislagrađ, Općina Grude, Grad Goražde, Općina Tešanj, Općina Ilidža, Grad Bihać, Grad Tuzla, Grad Stolac, Općina Kakanj.

MINI KONFERENCIJE/ PREZENTACIJA PROGAMA „ZDRAVE ZAJEDNICE U BOSNI I HERCEGOVINI U OPĆINAMA I GRADOVIMA I PORUKE NAČELNIKA/ GRADONAČELNIKA

U partnerskim jedinicama lokalne samouprave su održane prezentacije Projekta „Zdrave zajednice u Bosni i Hercegovini“ kako bi se općine i gradova upoznali sa ciljem Projekta, kao i njegovim benefitima i aktivnostima. Na mini konferencijama su uzeli učešće načelnici/ gradonačelnici, predstavnici/ce iz općinskih i gradskih uprava, predsjednici/ce općinskih/ gradskih vijeća, direktori/ce domova zdravlja, predstavnici/ce mjesnih zajednica, crvenog križa i lokalnih medija. Ukupno je održano 13 mini konferencija u Federaciji Bosne i Hercegovine.

Opšti cilj projekta je doprinijeti smanjenju opterećenja bolestima i poboljšanju zdravlja žena i muškaraca, jačanjem fokusa zdravstvenog sistema na prevenciju bolesti i promociju zdravih životnih stilova.

Takođe, cilj projekta je poboljšati efikasnost domova primarne zdravstvene zaštite, kroz osnivanje zdravstvenih savjeta općina i gradova, kao poveznice između građana/ki i domova zdravlja, omogućavajući građanima/kama da sudjeluju u procesima donošenja odluka i predstavljaju svoje JLS.

Fokus projekta je na jačanju kapaciteta zdravstvenih savjeta u jedinicama lokalne samouprave, redefinisane njihove uloge i odgovornosti, poboljšanju materijalno-tehničkih resursa, te intenziviranju suradnje između JLS, domova zdravlja i građana/ki. Sve navedeno dovest će do većeg uključivanja viših nivoa vlasti u kreiranje politika i poboljšanja interakcije između građana/ki i lokalnih vlasti.

Općina Kiseljak

Načelnik Općine Kiseljak, Mladen Mišurić - Ramljak: "Općina Kiseljak će se maksimalno angažirati u ovaj program očuvanja i promocije zdravlja kao i u osnivanju zdravstvenog savjeta u cilju dobiti i poboljšanja zdravstvenog statusa svih naših Kiseljačana i Kiseljačanki."



Mladen Mišurić - Ramljak, načelnik Općine Kiseljak

Općina Stari Grad Sarajevo

Prema riječima **načelnika Općine Stari grad Irfana Čengića**, ova lokalna zajednica kroz preventivne i promotivne programe djeluje u zajednici. „Radimo na tome na unaprijedimo zdravstveno stanje svih naših stanovnika i upravo su ovakvi programi ključni faktor koji nam osigurava da po-



državamo i javne ustanove i organizacije civilnog društva kako bi podizali svijest o važnosti očuvanja zdravlja, ali isto tako i organizovali mnogobrojne aktivnosti koje pomažu u prevenciji bolesti u našem zdravstvenom sistemu. Lokalna zajednica može značajno djelovati u oblasti prevencije“, kazao je Čengić.



Irfan Čengić, načelnik Općine Stari Grad Sarajevo

Općina Travnik

Prema riječima **načelnika Općine Travnik Kenana Dautovića**, projekat Zdrave zajednice je prirodni rezultat strateškog opredjeljenja Općine Travnik na način da je ova lokalna zajednica u Strategiji razvoja do 2027. godine, svakako prepoznala mnoštvo ciljeva koji se tiču zdravlja stanovništva.

„U pripremi za današnju prezentaciju, složili smo se da je Travnik već dosta toga uradio na unapređenju zdravlja stanovnika i to: pretvaranje pješačkih zona u zdrave površine, uvođenje LED rasvjete, uvođenje senzibiliteta građana za klimatske promjene i sve ono ostalo što je vezano za



„popularne“ stvari, a sve su one usmjerene na očuvanje zdravlja. Na kraju i na početku svega najvažnije je ljudsko zdravlje. Travnik je jedna od 25 lokalnih zajednica koja učestvuje u implementaciji programa „Zdrave zajednice u BiH“.



Kenan Dautović, načelnik Općine Travnik



Darko Čondrić, gradonačelnik
Grada Livna

Grad Livno

„Grad Livno je grad otvoren za projekte poput Zdravih zajednica u Bosni i Hercegovini. Svima nama, uključujući zdravstvene djelatnike, socijalni sektor, društvene djelatnosti, medije i građane važno da imamo zdravu zajednicu. Razgovarali smo o važnosti prevencije oboljenja i uvjeren sam da će ovaj projekt doprinijeti popularizaciji zdravog načina života i uticati na stanovništvo da vode brigu o svom zdravlju“, kazao je **gradonačelnik Darko Čondrić**.



Općina Tomislavgrad

"Općina Tomislavgrad jako puno polaže u zdravstvenu oblast, hitnu pomoć, mobilne timove, brinemo o zdravlju naše djece. Drago nam jer smo dio programa Zdrave zajednice koji će unaprijediti zdravlje naših građana. Podržavamo zdrave stilove života i ponosni smo na naše šetnice, vodimo računa o LED rasvjeti, ulažemo u dječija igrališta i sve ono što može unaprijediti zdravlje našeg stanovništva", kazao je **načelnik Buntić**.



Ivan Buntić, načelnik Općine
Tomislavgrad

Općina Grude

"Zajednica gdje su uravnoteženi odnosi starijih dobnih skupina prema mladima, mladima prema starijima, učenika prema svojim roditeljima, učiteljima...mjesto gdje je prepoznata međusobna tolerancija i poštovanje. Uravnoteženi društveni odnosi podrazumijevaju i gospodarsko-radne i pravne odnose gdje će poslodavac uvažavati i podržavati uposlenika ali gdje će isto tako dobar uposlenik podržavati svog poslodavca. Naša sredina u tome može biti dobra. Svi oni koji žive u lokalnoj zajednici dužni su uvažavati i njegovati, ne samo međuljudske odnose, već i odnos prema prirodnoj baštini, kulturnom i povijesnom naslijeđu. Ako izgradimo sve te elemente uz preduslov psiho- fizičkog zdravlja onda se možemo nazvati Zdrava zajednica. Zajednica u kojoj ljudi žele živjeti, a Grude mogu biti takva zajednica“, kazao je **načelnik Grizelj**.



Ljubo Grizelj, načelnik Općine
Grude

Grad Goražde

"Projekat ima značaj za lokalnu zajednicu. Ima poveznicu sa Domom zdravlja i direktno sa Ministarstvom obrazovanja što čini jedan cjelokupni sistem djelovanja. Stanovništvo mora biti informisano o prevenciji bolesti i radićemo na promociji zdravlja i zdravih životnih stilova. Drago mi je da će i Zdravstveni savjet biti uključen kao i nadležno Ministarstvo zdravstva. Riječ je o cjelokupnom i sveobuhvatanom projekatu koji će biti implementiran u 25 lokalnih zajednica", kazao je **gradonačelnik Imamović**.



Ernest Imamović, gradonačelnik Grada Goražde

Općina Tešanj

Načelnik Općine Tešanj Suad Huskić je kazao da je projekat "Zdrave zajednice" posebno značajan za ovaj lokalitet jer je Općina osnivač tri zdravstvene ustanove.



"Zdravstvene politike važan su dio razvoja Tešnja. Činjenica da smo osnivači Opće bolnice Tešanj pojačava našu potrebu za savremenim tokovima zdravstvenih sistema, usluga i percepcije zdravstvenih sistema krajnjih korisnika. Nadamo se da će benefit ovog projekta osjetiti naši sugrađani, pacijenti i korisnici Opće bolnice. Projekat se ne odnosi čisto na zdravstvenu infrastrukturu i na opremanje

zdravstvenih ustanova već se odnosi na zdrave stilove života, na način organizacije života i prevenciju i potpuno drugačiju kulturu življenja", navodi **načelnik Huskić**.

Grad Bihać

Predstavnici i predstavnice Federalnog ministarstva zdravstva, Saveza općina i gradova Federacije Bosne i Hercegovine i Instituta za populaciju i razvoj prezentovali su program "Zdrave zajednice u Bosni i Hercegovini" u Bihaću.



U okviru projekta preko 1.000.000 građana i građanki će dostići zdravstvenu informisanost i povećati svoje učešće u zagovaranju i aktivnostima na promociji zdravlja i prevenciji bolesti u 25 lokalnih zajednica u Bosni i Hercegovini.

Osiguravanje kvalitetne, dostupne javne zdravstvene zaštite za sve, uključujući marginalizirane grupe, jedan je od ključnih reformskih prioriteta Bosne i Hercegovine.



Suad Huskić, načelnik Općine Tešanj



Stjepan Bošković, gradonačelnik
Grada Stolic

Grad Stolic

Gradonačelnik Stoca Stjepan Bošković: "Drago mi je da je Stolic kao jedna od jedinica lokalne samouprave dio ovog projekta. Nadam se da ćemo iz njega izvući najbolje pouke, a medju njima je najvažnija, a to je da imamo zdravu zajednicu."



Općina Kakanj

Načelnik Općine Kakanj Mirnes Bajtarević: "Na ovaj način želimo uključiti cijelu našu zajednicu, ne samo Dom zdravlja koji po lokaciji pruža usluge iz ove oblasti, vec i Mjesne zajednice, velike kompanije, službe u općinama... kako bismo što više radili na prevenciji bolesti. Ovo će biti projekat koji će se implementirati do 2027. godine. Na ovaj način ćemo pomoći sami sebi. Prvo ćemo uticati na djecu a zatim i sve ostale građane i građanke u lokalnoj zajednici."



Mirnes Bajtarević, načelnik
Općine Kakanj

Grad Tuzla

Zijad Lugavić, gradonačelnik Grada Tuzle kazao je da je čast biti jedna od 25 izabrane općine ali biti jedna od 143 u cijeloj Bosni i Hercegovini je još veća čast.

"Drago mi je jer je u okviru ovog programa prepoznata naša opredijeljenost prema građankama i građanima i načina na koji mi radimo kako bi unaprijedili kvalitet života u zajednici. Projekat je bitan jer će podići nivo našeg znanja u Gradskoj upravi, Domu zdravlja i Zdravstvenom savjetu koji smo među prvima оформili u FBiH. Cilj je unapređenje zdravstvenog stanja građana i građanki te revitalizacija svih infrastrukturnih i drugih projekata koji će stvoriti još pozitivnije okruženje u kojem će građani i građanke živjeti, raditi, školovati se i provoditi vrijeme."



Zijad Lugavić, gradonačelnik
Grada Tuzle

Općina Ilidža

Pomoćnik Općinskog načelnika Ilidža Benjamin Mešak kaže da zdravlje naših građana treba da bude nulti prioritet.

"Nulti prioritet ne samo nadležnih institucija, već i svih onih koji u sistemu odlučivanja donose odluke. U tom kontekstu zajedno sa resornim ministarstvima uz podršku Vlade Švicarske predstavljamo naše opredjeljenje da implementiramo program „Zdrave zajednice u Bosni i Hercegovini“ na području Općine Ilidža.



Konferencija „Zdrave zajednice u Bosni i Hercegovini“

Potpisani memorandum o saradnji u okviru projekta "Zdrave zajednice u Bosni i Hercegovini" sa načelnicima i gradonačelnicima 25 lokalnih zajednica. U okviru projekta "Zdrave zajednice u Bosni i Hercegovini" preko 1.000.000 građana i građanki će doći do zdravstvene informisanosti i povećati svoje učešće u zagovaranju i aktivnostima na promociji zdravlja i prevenciji bolesti u 25 lokalnih zajednica u Bosni i Hercegovini.



Memorandum o saradnji potpisali su načelnici i gradonačelnici lokalnih zajednica koje su izabrane za učešće u projektu: Mrkonjić Grad, Bijeljina, Doboј, Šamac, Bihać, Prnjavor, Laktaši, Ilidža, Tešanj, Čelinac, Goražde, Tomislavgrad, Grude, Livno, Travnik, Kiseljak, Stari grad Sarajevo, Stolac, Tuzla, Zvornik, Vlasenica, Kakanj, Pale, Foča i Brčko.

Video Preuzeto sa stranice Federalnog ministarstva zdravstva

<https://www.facebook.com/FederalnoMinistarstvoZdravstva/videos/370121108904166>

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, projektnim aktivnostima i sl.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba; ili putem popunjavanja forme na našoj web stranici.

Molimo vas da informacije o našem biltenu prosljedite svima u vašoj i susjednim JLS i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efikasan način komuniciranja.

Sa zadovoljstvom očekujemo vaše komentare, sugestije ili primjedbe.